



Republika e Kosovës
Republika Kosova - Republic of Kosovo

ZYRA E RREGULLATORIT PËR ENERGJI
REGULATORNI URED ZA ENERGIJU
ENERGY REGULATORY OFFICE



Prishtinë, 27 nëntor 2019
Kodi i ZRRE-së: V_1202_2019

Bordi i Zyrës së Rregullatorit për Energji

Duke u bazuar në:

- Nenin 9 paragrafi 1 nënparagrafi 1.7, nenin 15 paragrafi 1 nënparagrafi 1.15, nenin 25, neni 26 paragrafi 1 nënparagrafi 1.2 dhe nenin 43 paragrafi 1 të Ligjit për Rregullatorin e Energjisë (Nr.05/L-084);
- Nenin 16 paragrafin 5 të Rregullës për Procedurën e Autorizimit për Ndërtimin e Kapaciteteve të reja Bazuar në Burimet e Ripërtrithshme të Energjisë;
- Vendimi për Lëshimin e Autorizimit Final V_660_2014 të datës 11 nëntor 2014 për shoqërinë "Matkos Group" Sh.p.k., për ndërtimin e kapaciteteve të reja gjeneruese për prodhimin e energjisë elektrike nga uji, HC Vica me kapacitet të instaluar prej 4.6 MW, ZK Drekoc, komuna e Shtërpçës;
- Vendimin V_864_2016 të datës 25 nëntor 2016, Vendimin V_932_2018 të datës 29 mars 2018 dhe Vendimin V_1077_2018 të datës 20 dhjetor 2018 për shtyrje të afatit të vlefshmërisë të Vendimit për Autorizimin Final V_660_2014 të datës 11 nëntor 2014, lëshuar shoqërisë "Matkos Group" SH.P.K., për ndërtimin e kapaciteteve të reja gjeneruese për prodhimin e energjisë elektrike nga uji, HC Vica me kapacitet të instaluar prej 4.6 MW, ZK Drekoc, komuna e Shtërpçës;
- Kërkesën për shtyrjen e afatit të vlefshmërisë së Vendimit për Autorizim Final V_660_2014 i datës 11 nëntor 2014 edhe për 4 (katër) muaj, për ndërtimin e kapacitetit të ri gjenerues për prodhim të energjisë elektrike nga Uji, HC Vica me kapacitet të instaluar prej 4.6 MW, ZK Drekoc, komuna e Shtërpçës, të datë 08.11.2019 nr. prot. 584/19 të shoqërisë "Matkos Group" SH.P.K., me adresë rruga "Veternik" 10000, Prishtinë, Republika e Kosovës,

në seancën e mbajtur me datë 27 nëntor 2019 nxori këtë:

V E N D I M

- I. **APROVOHET** kërkesa e shoqërisë "Matkos Group" SH.P.K. dhe **SHTYHET** afati i vlefshmërisë së Autorizimin Final V_660_2014 i datës 11 nëntor 2014, për ndërtimin e Hidrocentralin HC Vica me kapacitet të instaluar prej 4.6 MW, ZK Drekoc, komuna e Shtërpçës, edhe për 4 (katër) muaj.



Arsyetim

- ZRRE me datë 29.03.2013 nga shoqëria “Matkos Group” Sh.p.k., ka pranuar aplikacionin për marrjen e autorizimit për ndërtimin e kapaciteteve të reja gjeneruese për prodhim të energjisë elektrike nga Uji, në Lumin Lepenc, për katër (4) njësi gjeneruese, HC Shtërpce me kapacitet të instaluar prej 2.47 MW, HC Bitinje 2.1 MW, HC Vica 2.5 MW dhe HC Brod 2.5 MW, të gjitha në Komunën e Shtërpçës.
- Bordi i Zyrës së Rregullatorit për Energji, pas analizimit të dëshmive të prezantuara nga shoqëria “Matkos Group” Sh.p.k.ka vendosur se aplikuesi ka dëshmuar përshtatshmërinë për zhvillimin e projektit për ndërtimin e kapaciteteve të reja gjeneruese nga Uji, dhe ka lëshuar Vendimin mbi Njoftimin për Autorizimin Preliminar V_541_2013 me datë 28 qershor 2013. Vendim mbi Njoftimin për Autorizimin Preliminar, nuk ka nënkuptuar edhe lëshimin e Autorizimit, përderisa nuk plotësohen kërkesat e përcaktuara me Rregullën e Procedurës së autorizimit për ndërtimin e kapaciteteve të reja.
- ZRRE me datë 19.06.2014 nga shoqëria “Matkos Group” SH.P.K., ka pranuar kërkesën për shndërrimin e Vendimit mbi Njoftimin për Autorizimin Preliminar, për ndërtimin e kapaciteteve të reja gjeneruese, për prodhim të energjisë elektrike nga Uji në Autorizim Final për HC Bitinje dhe HC Vica të bashkuar në një Hidrocentral me kapacitet të instaluar prej 4.6 MW, në lokacionin “Drekoc”, në Lumin Lepenc ZK Drekoc, Komuna e Shtërpçës, duke i bashkangjitur dëshmitë e lëshuara nga autoritetet relevante për përmbushjen e të gjitha kërkesave mjedisore, të drejtën mbi shfrytëzimin e tokës, të drejtat mbi shfrytëzimin e ujit, Lejen Ndërtimore dhe kërkesat e tjera ligjore që lidhen me natyrën e projektit sipas legjislacionit në fuqi.
- Bordi i Zyrës së Rregullatorit për Energji, me datë 11.11.2014 ka vendosur që shoqërisë “Matkos Group” Sh.p.k., ti lëshohet Autorizimi Final V_660_2014 për ndërtimin e kapaciteteve të reja gjeneruese, për prodhimin e energjisë elektrike nga Uji, për HC Vica me kapacitet të instaluar prej 4.6 MW, njësia gjeneruese që do të vendoset në lokacionin Drekoc, ZK Drekoc Komuna e Shtërpçës.
- ZRRE me datë 10.11.2016 nga shoqëria “Matkos Group” Sh.p.k., ka pranuar kërkesën për vazhdimin e afatit të vlefshmërisë të Vendimit për Autorizimin Final V_660_2014 të datës 11 nëntor 2014, për HC Vica me kapacitet të instaluar prej 4.6 MW, për vazhdimin e ndërtimit edhe për një (1) vit, gjegjësisht deri me 11 nëntor 2017.
- Bordi i ZRRE-së, në mbledhjen e mbajtur me datë 25 nëntor 2016, pas shqyrtimit dhe vlerësimit të kërkesës dhe dëshmive relevante, ka aprovuar kërkesën e shoqërisë “Matkos Group” SH.P.K., dhe me Vendimin V_864_2016 ka vendosur që ti lejohet shtyrja e afatit të vlefshmërisë të Vendimit për Autorizimin Final V_660_2014 të datës 11 nëntor 2014 edhe për një (1) vit, gjegjësisht deri më 11 nëntor 2016, ne pajtim me dispozitat ligjore të Rregullës për Procedurën e Autorizimit.
- ZRRE me datë 06.11.2017 nga shoqëria “Matkos Group” Sh.p.k., ka pranuar kërkesën për vazhdimin e afatit të vlefshmërisë të Vendimit për Autorizim Final V_660_2014, të datës 11 nëntor 2014, i vazhduar me Vendimin V_864_2016, të datës 25 nëntor 2016, për HC Vica me kapacitet të instaluar prej 4.6 MW, për një afat shtesë për vazhdimin e periudhës së ndërtimit edhe për 12 (dymbëdhjetë) muaj, gjegjësisht deri me 11 nëntor 2018.
- Bordi i ZRRE-së, në mbledhjen e mbajtur me datë 29 mars 2018, pas shqyrtimit dhe vlerësimit të kërkesës dhe dëshmive relevante, ka aprovuar kërkesën e shoqërisë “Matkos Group” SH.P.K.,



dhe me Vendimin V_932_2018 ka vendosur që ti lejohet shtyrja e afatit të vlefshmërisë të Vendimit për Autorizimin Final V_660_2014 të datës 11 nëntor 2014 edhe për dymbëdhjetë (12) muaj, gjegjësisht deri më 11 nëntor 2018, në pajtim me dispozitat ligjore të Rregullës për Procedurën e Autorizimit.

- ZRRE me datë 02.11.2018 nga shoqëria "Matkos Group" Sh.p.k., ka pranuar kërkesën për vazhdimin e afatit të vlefshmërisë të Vendimit për Autorizim Final V_660_2014, të datës 11 nëntor 2014, i vazhduar me Vendimin V_932_2018, të datës 29 mars 2018, për HC Vica me kapacitet të instaluar prej 4.6 MW, për një afat shtesë për vazhdimin e periudhës së ndërtimit edhe për 1 (një) vit, gjegjësisht deri më 11 nëntor 2019.
- Bordi i ZRRE-së, në mbledhjen e mbajtur me datë 20 dhjetor 2018, pas shqyrtimit dhe vlerësimit të kërkesës dhe dëshmimeve relevante, ka aprovuar kërkesën e shoqërisë "Matkos Group" SH.P.K., dhe me Vendimin V_1077_2018 ka vendosur që ti lejohet shtyrja e afatit të vlefshmërisë të Vendimit për Autorizimin Final V_660_2014 të datës 11 nëntor 2014 edhe për 1 (një) vit, në pajtim me dispozitat ligjore të Rregullës për Procedurën e Autorizimit.
- ZRRE me datë 08.11.2018 nga shoqëria "Matkos Group" Sh.p.k., ka pranuar kërkesën për zgjatjen e afatit të vlefshmërisë të Vendimit për Autorizim Final V_660_2014, të datës 11 nëntor 2014, për HC Vica me kapacitet të instaluar prej 4.6 MW, për një afat shtesë për finalizimin e ndërtimit të Hidrocentralit edhe për katër (4) muaj, gjegjësisht deri në mars të vitit 2020.
- Shoqëria "Matkos Group" SH.P.K., në kërkesën e saj ka sqaruar se: *arsyet pse janë detyruar të parashtrojnë kërkesë për zgjatje të afatit, janë për shkak të pengesave të cilat u janë shfaqur jashtë kontrollit të kompanisë e të cilat kanë ndikuar në ndërtimin e këtij hidrocentrali.*
- Shoqëria "Matkos Group" SH.P.K., ka sqaruar se projekti HC Vica edhe përkundër faktit se kanë filluar me shumë vonesë për gati 2 vite pas lëshimit të autorizimit final, për shkak të pengesave në vazhdimësi, janë detyruar që të presin zgjidhjen e pengesave dhe të veprojnë sipas udhëzimeve të organeve komunale dhe të Ministrisë së Mjedisit dhe Planifikimit Hapësinor.
- Poashtu ka sqaruar se gjatë këtij viti që nga pranvera kur janë krijuar kushtet për vazhdimin e punimeve, kanë hasur në pengesa nga banorët lokal të asaj zonë, edhe pse gjatë gjithë kohës janë njoftuar se është duke u punuar në harmoni me kërkesat ligjore të institucioneve të Kosovës, dhe në asnjë rast nuk do të pengohen pronat private e as lumi nuk do të zvogëlohet, pasi që janë të obliguar që të punojnë sipas lejes ujore dhe duhet të respektohet edhe minimumi biologjik sipas udhëzimit të Ministrisë.
- Gjithashtu ka theksuar se edhe përkundër informimit gjatë gjithë kohës janë penguar, dhe në fund pas shumë takimeve të mbajtura me Komunën e Shtërpcës, Ministrinë e Mjedisit dhe Policinë e Kosovës janë detyruar që për një kohë ti ndërpresim punimet deri të arrihet ndonjë zgjidhje.
- Poashtu kanë sqaruar se duke parë, se nuk ka mundësi që të punohet me datë 23 maj 2019 kanë parashtruar kërkesë pranë Policisë së Kosovës në Ferizaj, ku është kërkuar edhe asistencë e tyre, për vazhdimin e punimeve dhe ruajtjen e punëtorëve gjatë kryerjes së punimeve, dhe që nga ajo kohë në vazhdimësi kanë punuar nën asistencën e Policisë së Kosovës, e cila i ka përcjellur punimet vetëm gjatë ditëve të punës, ndërsa gjatë vikendeve janë detyruar që ti ndalojnë, me qëllim që mos të ndodhë ndonjë problem eventual apo të rrezikohen punëtorët në teren.
- Poashtu kanë informuar se punimet në vazhdimësi janë përcjellur në teren nga Inspektorati i Ministrisë së Mjedisit, punimet janë monitoruar edhe nga komuna dhe nën asistencën e Policës




së Kosovës, dhe gjatë kësaj kohe janë në pritje që të pajisen me certifikatën e pranimit teknik për finalizimin e ndërtimit të këtij hidrocentrali, dhe posa ta pranojnë do ta përcjellin.

- Poashtu kanë theksuar se në vazhdimësi gjatë kryerjes së punimeve janë kryer testimet e funksionimit të pajisjeve, shtypjes së tubacionit dhe pjesëve tjera mekanike, ndërsa kanë mbetur për tu finalizuar kyçja fizike e pajisjeve elektroenergjetike në linjën 35 kV nga NS 110/35kV Ferizaj IV (Bibaj – NS 35/10 kV Shtërpce), dhe pas shumë vështirësive edhe pse janë siguruar edhe kthinat bashku me pajisjet përcjellëse, ka reviduar pëlqimin elektroenergjetik dhe ka kërkuar kthina të reja sipas pëlqimit energjetik të pranuar të pranuar me datë 28.10.2019 nr. 7378 dhe si pasojë e kësaj për testimin e pajisjeve energjetike duhet të pritet të vijnë kthinat dhe të vendosen sipas pëlqimit në fjalë, dhe kjo sigurisht që do të merr kohë derisa të funksionalizohet e për të cilën do të njoftoheni me kohë për fillimin e testeve teknike.
 - Duke parë se afati kohor i dhënë me vendimin V_1077-2018 të datës 20 dhjetor 2018 për shtyrje e afatit të Autorizimit Final nuk do të arrihet, për ndërtimin e hidrocentralit HC Vica, dhe për të qenë në harmoni me legjislacionin ZRRE-së, janë detyruar që të parashtrajnë kërkesën për shtyrje të afatit të vlefshmërisë së autorizimit final edhe për 4 (katër) muaj, duke u mbështetur në dispozitat ligjore të nenit 16 par. 5 të Rregullës për procedurën e autorizimit, pasi që pengesat për mosrealizimit e këtij projekti brenda afateve ligjore, kanë qenë jashtë kontrollit të kompanisë, pasi që edhe plani fillestar dinamik nuk ka mundur të zbatohet për arsyet e cekura më lartë, dhe poashtu duke parë që janë realizuar më shumë se 95 % të punimeve në teren, shpresojnë se edhe zgjatja e afatit prej 4 (katër) muaj, do të ishte e mjaftueshme për finalizimin e këtij projekti.
 - Bordi i ZRRE-së, pas analizimit të kërkesës së shoqërisë “Matkos Group” SH.P.K. dhe dëshmiave të bashkangjitura për shtyrje të afatit të vlefshmërisë të Autorizimit Final, për ndërtimin e kapaciteteve të reja gjeneruese për prodhimin e energjisë elektrike nga uji, në Lumin Lepenc HC Vica me kapacitet të instaluar prej 4.6 MW, në Komunën e Shtërpces, ka vlerësuar ato, dhe ka konsideruar se për shkak pengesave të paraqitura jashtë kontrollit të investitorit dhe të kompleksitetit të ndërtimit të Hidrocentraleve, ku janë prezantuar fakte se brenda kësaj periudhe do të finalizohet projekti dhe duke u mbështetur në shkresat e lëndës, ka vendosur që të lejohet shtyrja e afatit të vlefshmërisë së Autorizimit Final V_660_2014 i datës 11 nëntor 2014, edhe për një afat shtesë prej 4 (katër) muaj, duke u mbështetur në dispozitat ligjore të cekura në hyrje të këtij vendimi.
- II. Vendimi për Lëshimin e Autorizimit Final V_660_2014 i datës 11 nëntor 2014, do të vlen deri në mars 2020, sipas dispozitivin nën pikën I., të këtij vendimi, në rast se nuk arrin të përfundojë ndërtimin e stabilimenteve të reja gjeneruese nga Uji, apo nuk vepron në pajtim me legjislacionin në fuqi, do të shfuqizohet.
- III. Vendimi nxirret dhe publikohet në gjuhët zyrtare në Republikën e Kosovës.
- IV. Vendimi hyn në fuqi në datën e miratimit nga Bordi, dhe do të publikohet në faqen elektronike zyrtare të ZRRE-së.


Këshillë juridike: Pala e pakënaqur me këtë Vendim mund të iniciojë konflikt administrativ në Gjykatën Kompetente, brenda tridhjetë (30) ditëve nga data e pranimit të Vendimit ose data e publikimit të tij në faqen elektronike të ZRRE-së, cilado që ndodh e fundit.



Bordi i ZRRE-së:




Arsim Janova, u.d. kryesues



Besim Sejfiqaj, anëtar



Selman Hoti, anëtar



Izet Ruzhiti, anëtar

Vendimi iu dërgohet:

- Palës,
- Komunës së Shtërpcës,
- Sekretarit të Përgjithshëm të MMPH-së, dhe
- Arkivit të ZRRE-së